

# TRACTATUS II. PARTIS PROPRIÆ.


## De Syllogismo Topico.

### Caput I. De Syllogismo Topico.

De SYLLOGISMO TOPICO IV. not.

I. *Quid sit?* SYLLOGISMUS TOPICUS? R. Συλλογισμὸς διαλεκτικός ἐστίν, ὁ ἐξ ἐνδόξων συλλογισμῶν. 1. Top. c. 1. Syllogismus dialecticus seu Topicus est, qui ex probabilibus concludit. *Id est*, cujus præmissæ sunt probabiles tantum: *ut* O. mater diligit filium. *Hæc est mater. E. Hæc diligit filium.*

II. *Quid sint* PROBABILIA? R. Ἐνδόξα ἔστι, τὰ δοκῶντα πᾶσιν ἢ τοῖς πλείστοις, ἢ τοῖς σοφοῖς. Καὶ τέτοις, ἢ τοῖς πᾶσιν, ἢ τοῖς πλείστοις, ἢ τοῖς μάλιστα γνωρίμοις, καὶ ἐνδόξοις. Probabilia sunt, quæ videntur omnibus aut pluribus, aut sapientibus, atque his vel omnibus, vel pluribus, vel spectatissimis: *ut parentes sunt honorandi.*



IV. *Locis*, ex quibus desumitur argumentum. *Vide cap. 2.*

### Caput III. De Locis Topicis in genere.

De LOCIS II. not.

I. *Quid sint?* LOCUS est Sedes argumenti; *vel* LOCUS est id, unde ad propositam quæstionem conveniens trahitur argumentum.

